

Qilalukkanik qaqortanik qernertanillu illersuineq piniarnerlu pillugit Namminersorne-rullutik Oqartussat nalunaarutaat nr. 2, 12. februar 2004-meersoq Naalakkersuisut allanngortitsinissaannik peqquneqarnissaannik Inatsisartut aalajangiiffigisassaattut siunnersuut, taamaalilluni kitaata qeqqani aammalu nunatta kujataani qilalukkanik qernertanik pisassiisoqassalluni.

Siverth K. Heilmannimit (A) aamma Knud Kristiansenimit(A) saqqummiunneqartoq

pillugu

Inatsisartut Aalisarnermut, Piniarnermut Nunalerinermullu Ataatsimiititaliaata

ISUMALIUTISSIISSUTAA

Siunnersuutip aappassaaneerpeqarnerani saqqummiunneqartoq

Inatsisartut Aalisarnermut, Piniarnermut Nunalerinermullu Ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Hans Aronsen, Inuit Ataqatigiit, Siulittaasoq

Inatsisartunut ilaasortaq Niels Thomsen, Demokraatit, Siulittaasup tullia

Inatsisartunut ilaasortaq Hans Enoksen, Siumut

Inatsisartunut ilaasortaq Juliane Henningsen, Inuit Ataqatigiit

Inatsisartunut ilaasortaq Finn Karlsen, Siumut

UKA 2010-mi 20. oktober siullermeerinerup kingorna Ataatsimiititaliap siunnersuut misisorpaa.

Siunnersuutip imarisaa siunertaalu

Qilalukkanik qaqortanik qernertanillu illersuineq piniarnerlu pillugit nalunaarut nr. 2, 12. februar 2004-meersoq siunnersuuteqarnikkut allanngortinniarnearpoq, taamaalilluni Kitaata Qeqqani aamma Kujataani qilalukkanik qernertanik pisassiisoqarsinnaanngussalluni. Aalajangiiffigisassatut siunnersuuteqarnermi pisassiineq piujuartitsinermik periuseqartarnek kaluarnagu piviusunngortinneqarsinnaassasoq, siunnersuutillu ilusilerneqarnera ersarissumik pisassiisutit amerlineqarnissaannik oqariartuuteqanngitsoq naatsorsuutigineqarpoq. Siunnersuuteqartut siunnersuuteqarput ilaatigut piniartut aalisartullu Kitaata Qeqqani aamma Kujataani qilalukkanik qernertanik amerlasuunik malussartarnerat ilaatigullu qilalukkat qernertat qalerallinnik nerisaqartarnerat pissutigalugu, taamaalillunilu qilalukkat qernertat aalisartut qalerallinniartarnerannut sunniuteqaratarsinnaallutik.

Siunnersuutip Inatsisartuni siullermeerneqarnera

Siunnersuut Inatsisartuni partiinit siamasissumik tapersersornartinneqarpoq, Aalisarnermut Piniarnermut Nunalerinermullu ataatsimiititaliamut suliassanngortinneqarluni.

Kitaata Qeqqani Kujataanilu pisassiissutit pisassiissutit annertusinerisigut pisariaqartoq Siuumumit oqariartuutigineqarpoq, taamaalillunilu Avannaanut pisassiisutit Kitaata Qeqqanut Kujataanullu ilanngunneqartannginnissaat isumaqarfigineqarluni. Kitaata Qeqqanut Kujataanullu qilalukkanik pisassiissutit taamaallaat inuussutissarsiutigalugu piniartunut tunniuttariaqarnerat aamma Siuumumit isumaqarfigineqarpoq.

Pisassiissutigineqartussatut innersuussutigineqartunit qilalukkanik qernertanik pisaqartarnis-saq Inuit Ataqtigiit oqaatigaat, ilassutigaluguttaaq qilalukkanik qernertanik pisaqartarner-nermut inuussutissarsiutigalugu piniartut salliutinneqartariaqartut. Kitaata Qeqqanut Kujataa-nullu pisassiissutit agguassineq piujuartitsinissamut innersuussutigineqartunit pisariaqartoq Demokratinit tapersersorneqarpoq, ilassutigalugulu qilalukkat qernertat tamanit pisarineqar-sinnaasariaqartut, taamaallaallu piniartunit pisarineqarsinnaassanatik.

Naalackersuisunut apeqqutit

Ataatsimiititaliaq aalajangiiffigisassatut siunnersuummik suliarinninnermini Naalackersuisu-nut apeqquteqarpoq. Apeqqutinut Naalackersuisut akissutaat ataatsimiititaliamit tusaatissatut tiguneqarput akissullu isumaliutissiissummut ilanngussatut ilanngunneqarpoq.

Siunnersuutip Ataatsimiititaliamit suliarineqarnera

Qilalukkat qernertat pillugit biologit siunnersuineranni kingullermi 2009-mi pisassiisoqarta-lerneranit annertunerpaamik pisassiisoqarsimanera Ataatsimiititaliap maluginiarpaa. Taamaa-lilluni 2010/2011-imut aqutsisoqarfinni Qaanaamit kujammut Kangaatsiaq ilanngullugu qila-lukkat qernertat 310-t pisassiissutigineqarsimapput. Ataatsimiititaliaq isumaqarpoq Kitaani Kangaatsiap kujataani aamma aqutsisoqarfiit allat tunngaviatigut iluaqutissinneqartariaqartut.

Ataatsimiititaliap maluginiarpaa qilalukkanik qernertanik ukiumut ataatsimut pisassat amer-lassusaat aalajangerneqartassasoq, taamaalilluni qilalugaqatigiit suli 70 %-imik amerleriartar-nissaat ilimagisariaqartoq biologinit siunnersuinermit innersuussutigineqartoq. Ataatsimiitita-liattaaq maluginiarpaa Kalaallit Nunaata kujataata tungaanut qilalukkat qernertat siaruas-si-manerannik ingerlaartarnerannillu aalisartut piniartullu maluginiagaqartartut, kisiannili taama-tut maluginiagaqarneq uppersarniarlugu suli ilisimatuussutsikkut paasissutissaateqartoqan-gitsoq. Kitaata Qeqqanut Kujataanullu pisassiissutit amerlasuussaannik Naalackersuisut i-sumaliuteqarneranni piujuartitsineq tunngavigalugu pisassanut innersuussutigineqartunut siu-liani taasanut ilaatinneqarnissaat naatsorsuutigineqarpoq, qilalukkat qernertat siaruarsimanerat ingerlaartarnerallu, atuisut ilisimasaat, nunat tamalaat isumaqatigiissutaat aamma Piniarneq pillugu Siunnersuisoqatigiinnit innersuussutigineqartut aammalu pisassiissutinik agguas-si-sartoqatigiinnik KANUKOKA-mik KNAPK-millu ilaasortaaffigineqartumik oqaloqatiginnin-

nerit.

Namminersornerullutik Oqartussat nalunaarutaat nr. 2, 12. februar 2004-meersumi §§-it 5 aamma 6 naapertorlugit kommunalbestyrelsi inuussutissarsiutigalugu piniartunut immaqalu sunngiffimmi piniartunut kommunimut pisassiisutit agguataarnerinut piumasaqaatinik aalajangersaasinnaavoq. Nalunaarummi takuneqarsinnaavortaaq kommuni pisat nakkutiginnissannut alapernaarsornissaannullu akisussaasuusoq. Kommuninut ataasiakkaanut pisassiissutinik pisaqarnissamut akuersissutigliortoqartarpoq, tamannalu pillugu annertunerusumik piumasaqaatit kommunip ileqqoreqqusaanni takuneqarsinnaapput. Taamaalilluni inuussutissarsiutigalugu piniartunik imaluunniit sunngiffimmi piniartunik salliutitsinissamut piumasaqaatinik aalajangersaanissaq Ataatsimiititaliap suliaassinngilaa.

Naalackersuisut qilalukkanik qaqortanik qernertanillu piniartarnej pillugu nalunaarummik Naalackersuisut suliaqartut Ataatsimiititaliap maluginiarpa. Tassunga ilanngullugu nalunaarut siuliani taasaq nutarterneqarluni ingerlanneqarpoq. Tamanna ataatsimiititaliamit iluarisimaarneqarpoq taakkulu inernerat pillugu Naalackersuisut ataatsimiititaliamut ilisimatitsissteqarnissaat utaqqimaarusunneqarpoq.


Siunnersuutip aningaasaqarnikkut kingunerisassai

Siunnersuut aningaasaqarnikkut kinguneqarnissaa naatsorsuutigineqanngilaa. Siunnersuut una Kitaata Qeqqanut Kujataanullu pisaqarnissamut akuersissutinik agguataarinermut killilimmik allaffissornikkut kinguneqassasoq taamatuttaaq naatsorsuutigineqarpoq.


5. Ataatsimiititaliap inassuteqaatai

Oqaaseqaatit siuliani allassimasut aammalu siunnersuutip siullermeernerani oqaatigineqartut tunngavigalugit siunnersuut maanna ilusimisut iluseqartoq **akuersissutigineqassasoq ataatsimiititaliap isumaqatigiittup** inassutigaa.


Taamatut oqaatigineqartut isumaliutissiissummilu paasisatut taaneqartut tunngavigalugit Ataatsimiititaliamit siunnersuut aappassaaniigassanngortinneqarpoq.




Niels Thomsen, Siulittaasup
tullia




Hans Aronsen, Siulittaasoq



Hans Enoksen



Juliane Henningsen



Finn Karlsen